

ut scilicet locorum distantias iuxta illam symmetriam & proportionem quam in terræ superficie habent tabulis imponat, nunc docet, ut cætus quoque existat in designandis limitibus regionum & satrapiarum seu provinciarum atque alijs particularibus locis inferendis, accommodans sese temporibus suis, innitensq; ueris historijs & relinquens ea quæ fabulose à quibusdam traduntur. Et quamquam terra semper maneat eadem atque in eadem forma & dispositione, quædam denique regna ac territoria hodie sic sese habeant ut olim, nihilominus temporis successu grandes sunt mutationes in ipsis regnis, territorijs, populis & ciuitatibus. Delentur enim nonnunquam regna aut transferuntur, exurgunt que noua, sic multæ nationes in unam contrahuntur, aut una in plures segregatur, solitudines fiunt habitabiles, & habitabiles rediguntur in solitudinem. Insignia nemora exciduntur & fiunt habitatio hominum, ciuitates que magnæ abolentur & oriuntur aliæ. Vbi est hodie florentissimum illud Macedoniæ regnum, ubi Epiri regnū, ubi Atheniensium, ubi Lacedæmoniorum, ceterarumq; insignium Græciæ ciuitatum imperium? Vbi Carthago, ubi Tyrus, ubi denique Roma cū suo imperio? Et est diuerso uidemus, quomodo solitaria illa, & ut Taciti utar uerbis, squalida & tristis cælo Germania, à Ptolemæi temporibus creuerit in cultissimam terram, innumeras habes regiones, urbes & populos. Sic Sarmatiam Europæam hodie in plurima uidemus partitam regna, ubi olim uix unum fuisse constat. Nam habet Vngariam, Poloniam, Mosconiam, Lithuaniam, &c. Exortum est quoque post Ptolemæi tempora regnum Daniæ, regnum Norbergiæ atque Suetiæ. adiuuente sunt nouæ insulæ, explorata tota Africa, & ut semel dicam, tota facies terræ est innouata, aliamq; induit formam. Recte ergo præcipit in hoc capite Ptolemæus, ut in designandis regnis, & in satrapiarum circumscribendis terminis atque in collocandis particularibus locis, utamur eis authoribus, qui nostro tempore uiciniores extiterunt, aduerentes, quod illorum scriptum ueritati consentiat, quodq; alienum sit à ueritate.

DE GEOGRAPHICA MARINI
enarratione. Cap. VI.



Arinus itaq; Tyrius, nouissimus eorū qui nostro fuerunt tēpore, parti huic summo studio incubuisse uideat. Patet enim plurimas eū historias euol-

uisse, ultra eas etiam quæ prioribus cognite fuerāt temporibus ac scripta ferre omnium qui eum præcessere, diligentissime percepisse. Quoniam ea quæ minus decenter, tã à priscis illis, quàm à semetipso credita fuerāt, decenti primum rectificatione exornauit: quem admodum ex æditionibus ipsius emendationis tabulæ Geographicæ (nam plures sunt) cōsiderare licet. Proinde, si cerneremus, nihil in ultima sua deesse cōpositiōe, possemusq; ex solis monumentis illis, orbis designationē perficere, nullū ulterius in hac re laborē susciperemus: uerū cū manifeste liqueat, quædā eum cū minus fide digna perceptione collegisse, sapius p̄terea in descriptionis institutione, nec facilitatis, neq; de dimensionibus debitā curā habuisse: iuste moti sumus, ut uiri huius negociū susceptū, quantū opere præciū arbitramur, ad rationabiliorē, et utiliorē rem reduceremus modum. Quod quidem q̄ succinctius possumus, facere conabimur, considerantes, breuibus nos ea, quæ ad utrāq; speciem conferūt, ratione quadā cōsequi posse. Ac primū quidem ab historia initium faciemus, secundum q̄ existimat ipse, & lōgitudinem terræ cognite plus ad orientē, latitudinem uero ad meridiē p̄duci oportere. Deinde forsitanō inepte totius superficie distantia, ab ortu occasum usque, longitudinē, eā uero quæ est ab arcto, meridiē uersus, latitudinē uocabimus. Quoniam & parallelos, iuxta motū cœlestē, eodē appellabimus nomine. Sed & uniuersaliter quidē distantia maiori, recte lōgitudō est attribuēda: siquidē planē hoc ab omnibus cōcessum est, q̄ orbis terrarū distantia, ab ortu uersus occasum, longe maior existit, quàm ea quæ à septentrione est ad meridiem.

In Caput sextum annot.

Fuerunt multi ante Ptolemæum qui orbis descriptionem patare tentarunt, & id quidem tunc commodius quàm hodie efficere potuerunt, quod tunc imperia latissime paterent, & docti apud cunctas nationes etiam barbaras celebres haberentur, hodie autem apud Turcicam gentem atque

AA 4

Tartaream.